



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Lvitprandi Ticinensis Diaconi Opusculvm, De Vitis  
Romanorvm Pontificvm**

**Liutprandus <Cremonensis>**

**Mogvntiae, 1602**

**LXXVIII.**

**urn:nbn:de:hbz:466:1-11115**

dicebatur. Qui tollentes Martinum Papam de Ecclesia Saluatoris, quæ Constantiniana appellatur, perduxerunt Constantinopolim, & nec sic eis acquieuit. Quapropter directus est in exilium, vel locum qui dicitur, Cersona, ubi, sicut Deo placuit, vitam in pace finiuit sub die 17. mensis Septembris. Qui confessor multa mirabilia operatur usq; in hodiernum diem.

## LXXVII.

**E**VGENIVS, natione Romanus, de regione prima Auentinensi, clericus à cunabulis, ex patre Rufiniano, sedet annis 2. mensibus 9. diebus 24. His temporibus Petrus patriarcha Constantinopolitanus direxit Synodicam iuxta consuetudinem ad sedem Apostolicam omnino obscurissimam, in qua non declarauit operaciones aut voluntates in Domino nostro Iesu Christo. Vnde accusus populus vel clerus cum maiore strepitu eam à sancta Dei Ecclesia proiecerunt, ita ut nec eundem Papam dimitteret Missas celebrare in basilica sanctæ Dei genitricis Mariæ ad praesepe, nisi promisisset se minimè eam suscepturnum. Qui etiam sepultus est ad B. Petrum Apostolum sub die 4. nonas Iun. Et cessauit Episcopatus mense 1. diebus 28.

## LXXVIII.

**VITALIANVS**, natione Segnensis, ex prouincia Campania, ex patre Anastasio, sedet annis 14. mensibus 6. Hic direxit responsales suos cum Synodica iuxta consuetudinem in regiam urbem ad piissimos Principes, significans de sua ordinatione. Cuius temporibus venit Constantinus Augustus Romam, suscepitus ab eodem Papa, cui & occurrit, inductione sexta, quinto milliario ab urbe. Cumq; per duodecim dies in ciuitate Romana demoratus per diuersa loca plurima dona obtulisset, omnia quæ erant in ære ad ornatum ciuitatis depositus. Sed & Ecclesiam S. MARIAE ad Martyres tegulis æreis discooperuit, & cum aliis rebus in regiam urbem direxit. Reuersus autem Siciliam habitauit Syracusis, ubi tales afflictiones populo prouinciarum Calabriæ, Siciliæ, Africæ, vel Sardiniae per diaphrapha, seu capita atque nauticationes imposuit, quales à saeculo nunquam fuerant auditæ, auferens vas a sacra, vel cimilia sanctorum Dei Ecclesiarum. Qui postmodum 15. die mensis Iulii, per inductionem 12. proditus in balneo occisus est. Secuta est statim mors sanctissimi Vitaliani, qui sepultus est ad S. Petrum Aposto-

Apostolum sub die 6. Kalend. Februar. Et cessauit Episcopatus mensibus 2. diebus 13.

## LXXIX.

**A**DEODATVS, natione Romanus, ex monachis, ex patre Iohanno, sedit annis 4. mensib. 2. diebus 5. Huius temporibus Mezentius, qui erat in Sicilia cum exercitu Orientali arrepto regno intarzizauit, & exercitus Italiæ per diuersa fugit, quousq; Deo auxiliante idem interemptus est, & caput eius intarta Constantiopolim perductum. Post cuius mortem Sarraceni Siciliam obtinuerunt, & multis occisis, populus in montanis, seu in castris confugium fecit. Illi verò reuersi Alexandriam secum asportauerunt, quæ à ciuitate Romana illuc nauigio fuerat delata. Prædictus quoque sanctissimus vir casalia conquisiuit, & in vita sua Abbatem & congregationem ibidem constituit. Post cuius transitum tantæ pluviæ & tonitrua fuerunt, qualia nulla ætas meminit. Et nisi per Letanias, quæ quotidie fiebant, Dominus propitiatus esset, homines & pecora interirent. Renascentibus quoq; leguminibus denuò in campis propter nimias pluuias nil trituræ in horrea recondere valebant. Sepultus autem est beatissimus Adeodatus ad S. Petrum Apostolum sub die 6. Idus Iul. Et cessauit Episcopatus mensibus 4. diebus 15.

## LXXX.

**D**ONVS, natione Romanus, ex patre Mauritio, sedit anno 1. mensibus 6. diebus 10. Hic repperit in urbe Roma in monasterio, quod appellatur, Boëziana Nestorianistas monachos Syros, quos per monasteria diuersa diuisit, & ibidem monachos Romanos instituit. Cuius temporibus Ecclesia Rauennæ, quæ se ab Ecclesia Romana segregauerat causa autocephaliæ denuò se pristinæ sedi Apostolicæ subiugauit. Cuius Ecclesiæ præfus, nomine Reparatus, euestigio, ut Deo placuit, vitam finiuit. Hic dum esset electus Augusto mense, stella à parte Orientis apparuit à Gallicantu usque mane per tres menses, & eius radii cœlos penetrabant. Quæ post semetipsam reuersa disparuit, & à parte orientis maxima mors hominum subsecuta affuit. Sepultus autem est ad B. Petrum Apostolum sub die 3. Idus April. Et cessauit Episcopatus mensib. 2. dieb. 15.

## LXXXI.

**A**GATHO, natione Siculus, sedit annis 2. mensibus 6. diebus 3. Huius temporibus Theodorus Archiepiscopus Rauennæ

T 4

semet.